

180 Եւ ինքն ամեալ հազար¹ այր՝ գնաց ընդ առաջ² Վաշրայ³: 181 Եւ երթեալ ի վերայ լերինն՝ ընդ երիս⁴ կոյս⁵ դարան⁶ գործեաց: 182 Եւ առաքեալ զնուիրակն եւ զդպիրն կոչել զՎաշիր⁷ անդ⁸, եւ նոքա երթեալ⁹ կոչեցին զնա¹⁰, զի իջեալ էր¹¹ յեզր¹² ծովուն¹³: 183 Բայց նուիրակն եւ դպիրն ոչ ինչ¹⁴ գիտէին զիրսն¹⁵. զի զհանդերձս Պարսիցն իւրոց իշխանացն տուեալ էր, կարծէին, թէ ինքեանք են¹⁶: 184 Բայց¹⁷ Վահան ոչ ետ մաւտել¹⁸ ի նոսա¹⁹, այլ առանձին²⁰ յետոյ գային²¹:

185 Իբրեւ²² գնացին²³, զՎահանայ ասացեալսն²⁴ պատմեցին²⁵ որպէս²⁶ յերեսաց²⁷ Միհրանայ, եւ ամեալ²⁸ Վաշրայ երեք հազար եւ վեց հարիւր այր²⁹ եկն ի վերայ լերինն: 186 Եւ իբրեւ մաւտեցան³⁰ ի տեղին, յիսուն այր ի բացեայ³¹ եթող³² վասն այլ թշնամեաց³³: 187 Եւ ինքն եկն³⁴ եմուտ առ Վահան ի վրանն³⁵, կարծելով թէ Միհրան է: 188 Իսկ³⁶ Վահան, ասէ. «Վաշիր, զի՛նչ եղիք¹ ի մտի. ի Պարսիկ² հաւա՛տ³ կամէիք⁴

1 հմօն երեք հազար

2 հմս յառաջ փիս առաջ (lov)

3 հմօ Վաշիրայ փիս Վաշրայ (lsv)

4 հօ յերիս

5 հմօն դեհս փիս կոյս (ls)

6 / դարանս

7 / զՎաշիր / հմօն զդպիրն եւ զնուիրակն առաքեաց (հ չիք առաքեաց) առ Վաշիր (v Վաշիր անդ), զի կոչեցցեն փիս առաքեալ ... զՎաշիր (1 տող) (ls)

8 v աստ չիք անդ

9 m եկեալ

10 հմօ զՎաշիր փիս զնա (sv) / / չիք զնա

11 /v/ էր նա

12 / յեզեր / h եզր

13 հմօն՝ Ծիայ ծովու, օ Նիայ ծովու փիս ծովուն (ls)

14 v ինչ ոչ փիս ոչ ինչ

15 մօն յիրացն, հ իրացն փիս զիրսն (ls)

16 s չիք կարծէին թէ ինքեանք են (l)

17 հմօն աստ չիք զհանդերձս Պարսիցն ... են: Բայց (3 տող) (ls) (տե՛ս ծան. 25)

18 v մօտիլ

19 հմօն գաւրսն փիս նոսա (ls)

20 s անձին փիս առանձին

21 հմօն եւ յորժամ զտաճարսն (mν զտաճարն) այրեաց, զնոսա ի պատճառս իրաց (hv իրացն) յայլ (h այլ) վայրս առաքեաց, զի մի գիտացցեն զիրսն. նաեւ զհանդերձս իշխանացն տեսեալ՝ կարծէին, եթէ Միհրանեանքն են փիս գային (ls)

22 հմօն Արդ իբրեւ

23 հմօն գնացին եւ

24 m ասացեալքն

25 / ասացին փիս պատմեցին

26 հմօն որպէս թէ

27 h երեսաց

28 / չիք ամեալ

29 v հազար եւ հարելր այր / հմօ արս հազար եւ հարիւր (օ հարոյր) փիս երեք հազար եւ ... այր (ls)

30 հմօ մերձեցան փիս մաւտեցան (lsv)

31 / բաց փիս բացեայ

32 հմօ եթող Վաշիր արս Ծ (hmv Ծ) ի բացեայ (hm ի բացե) փիս յիսուն այր ... եթող (lsv)

33 msv թշնամեացն

34 հմօ եկեալ փիս ինքն եկն (lsv)

35 հմօ ի վրանն առ Վահան փիս առ Վահան ի վրանն (lsv)

36 հմօն իբրեւ ետես զնա փիս իսկ (bls)